

PENYERTAAN

PELAJAR PUSAT PENGAJIAN SAINS
MAKLUMAT, UITM CAWANGAN
SARAWAK SEPANJANG PROGRAM

Kembara Ilmu

ANJURAN

KEMENTERIAN PERPADUAN NEGARA
DAN PERPUSTAKAAN NEGARA
MALAYSIA

Penulis: Dr Hajah Imilia Ibrahim



KENALI PERANAN AGENSI MAKLUMAT MELALUI PROGRAM KEMBARA ILMU

Pada 20 Mei 2023, Kementerian Perpaduan Negara dan Perpustakaan Negara Malaysia telah menganjurkan satu program Kembara Ilmu bertempat di Go Down Amphitheatre, Dataran Tebingan Sungai Sarawak, Muzium Budaya Borneo dan Muzium Sarawak. Untuk menyahut saranan pihak Kerajaan, Pusat Pengajian Sains Maklumat, UiTM Cawangan Sarawak telah menghantar seramai 10 orang pelajar Diploma Pengurusan Maklumat dari semester 2 dan 4 untuk menyertai program ini. Program ini telah dirasmikan melalui sesi Flag Off oleh Yang Berhormat Datuk Aaron Ago Dagang, Menteri Perpaduan Negara. Antara tujuan program ini diadakan adalah untuk memberi peluang kepada para pelajar terutama dari Pusat Pengajian Sains Maklumat untuk mengenali dan mempelajari lebih dekat peranan dan tanggungjawab yang dimainkan oleh agensi maklumat yang terdapat di sekitar Bandaraya Kuching demi menyemarakkan semangat perpaduan dalam kalangan generasi masa kini.

SESI PERKONGSIAN BANTU PELAJAR DALAM BIDANG PENGURUSAN MAKLUMAT

Di samping itu, program ini turut membuka peluang kepada para pelajar untuk mempelajari ilmu yang tidak akan diperolehi hanya dengan menghadiri kuliah semata – mata selain memberi mereka peluang untuk mempraktikkan ilmu dan kemahiran yang dipelajari di bilik kuliah melalui program ini. Para pelajar turut memperolehi pelbagai maklumat berguna melalui sesi perkongsian daripada penganjur program Kembara Ilmu ini untuk pengembangan minat dan kerjaya mereka.

Rata – rata para pelajar semester 2 dan 4 yang menyertai program ini menunjukkan maklum balas yang positif, sambutan yang menggalakkan dan berharap agar program seperti ini dapat diadakan pada masa – masa yang akan datang dengan pengisian yang berbeza.

BERIKUT ADALAH OBJEKTIF UTAMA PROGRAM KEMBARA ILMU INI:



- Memberi pendedahan kepada pelajar berkenaan koleksi pelbagai budaya yang ada di Muzium Budaya Borneo
- Memberi peluang kepada pelajar untuk mendekati agensi maklumat dengan lebih dekat.
- Memupuk semangat kerjasama antara pelajar dalam sesi dan aktiviti yang dimuatkan di dalam program ini.
- Mengenalpasti budaya bangsa di Sarawak dengan kaedah yang menarik.
- Meningkatkan keupayaan mengenalpasti maklumat dengan pantas dan berkesan
- Menarik minat pelajar terhadap penambahan ilmu pengetahuan dan amalan membaca.
- Mengasah bakat serta kemahiran komunikasi pelajar.